



**AYUNTAMIENTO DE BIMENES  
(ASTURIAS)**



**XUNTA**

**POLA DEFENSA  
DE LA LLINGUA  
ASTURIANA**

Aveza a dicise que nos Conceyos ye onde primero s'afita la llibertá de la xente. La creación d'empléu, el desarrollu sostenible, la protección del patrimoni, la promoción del comerciu local, el fomentu del turismu... son preocupaciones de tolos Conceyos, grandes y pequeños. L'asturianu y el gallego-asturianu tienen de ser transversales nes polítiques municipales porque son un instrumentu de rrellación diaria, porque son un patrimoni, porque proporcionen unos derechos, porque formen parte de la identidá de los conceyos... Y tamién porque dende lo local pueden da-y puxu decisiones polítiques d'otru nivel, de protección, de promoción o de reconocimientu oficial de la llingua.

Nos últimos meses venimos asistiendo a intentos de represión d'esa voluntá de los Conceyos de promover y recuperar la llingua asturiana pa la vida municipal. Pensamos qu'hai que salir a defendese d'estes agresiones con una reacción decidida y colectiva, y esa respuesta pueden encabezala les persones depositaries del enfotu de la ciudadanía, quier dicise, los cargos escoyíos nes últimes elecciones locales.

Por eso, l'equipu de gobiernu del Conceyu de Bimenes y la Xunta pola Defensa de la Llingua Asturiana facémosvos un llamamientu conxuntu pa mirar d'organizar eses voluntaes nun grupu d'acción común. Pensamos qu'esta primavera ye un bon momentu pa que los representantes municipales-y dean un emburrión al espíritu de protección del patrimoni llingüísticu d'Asturies y de defensa de los derechos llingüísticos de los y les falantes d'asturianu y de gallego-asturianu. Tenemos nel calendariu dos cites apode p'amosar una imaxe colectiva d'esi espíritu. Pidímosvos, polo tanto, que suscribáis esta declaración:

Quien firma embaxo, cargu electu del Conceyu de \_\_\_\_\_, quier facer públicu d'esta manera'l so compromisu cola defensa del asturianu y del gallego-asturianu.

Declara la so intención d'asistir a la manifestación pola oficialidá del asturianu convocada pola Xunta pola Defensa de la Llingua Asturiana'l día 6 de mayu, Día de les Lletres Asturianas, nun cortexu compuestu de conceyales, alcaldeses y alcaldes de toa Asturies baxo la frase "CONCEYOS POLA OFICIALIDÁ".

Ofrezse a caltener el contactu colos y coles demás firmantes pa trazar de formular un compromisu común y, nel casu d'algamase alcuerdos que dexen planificar acciones conxuntes, comprométese a facelos públicos nun actu en Bimenes nel marcu de les celebraciones de la XX Fiesta de la Oficialidá, programaes pa la primer selmana de xunetu.

[nome, cargu y firma]

Forma de contactu (tfnu. o email):

Por favor, comunica la to adhesión llamando al teléfonu 985229553 o per corréu lletrónicu a la direcció [info@exunta.org](mailto:info@exunta.org)